

مسرحية

(بلاد ما وراء الترابج)

تأليفه..

ايمن قرني فاضل

## الشخصيات

العدد	اسم الشخصية	التفاصيل
1	جاد	ابن اديم وعمره من 10 الى 15 سنة
2	نايا	بنت في عمر 10 الى 15
3	الشاب	شاب في عمر الثلاثين
4	اديم	يعمل في تركيب الادوية
5	عم صابر - تليد	صاحب محل ملابس مستورده وفى زمن اخر كان يعمل في المنحوتات النحسية
6	عم رضا - عابد	صاحب محل بلايستيشن .. وفى زمن اخر كان يعمل كاتب
7	عم ابراهيم - حيان	صاحب القهوة.. وفى زمن اخر كان يعمل في الغزل والنسيج
8	قمار	رئيس امن البلاد
9	فرد امن 1	مساعد قمار
10	فرد امن 2	مساعد قمار
11	الحاكم	حاكم البلد
12	السيدة	تبيع الخضروات والفاكهة
13	جبر _ سام	صبي قهوجي.. وفى زمن اخر كان مساعد اديم
14	نبيل _ تيم	تاجر مخدرات.. وفى زمن اخر مريض نفسى (مجنون)
15	الفتاه	فتاه في عمر الثلاثين

### المشهد الاول

(يفتح الستار على ديكور حديث من نوعه به محل ملابس جاهزة وقهوة ومحل بلايستيشن مع موسيقى هادئة صباحية تصحبهما إضاءة مناسبة)

الشاب:- (يدخل الشاب في حالة من الذهول ثم يلتفت الى الجمهور بابتسامة)

صباح الخي

(يقطع عليه صوت خارجي قوى) اقتلوا

(يجرى الشاب في خوف حتى يختفى من على المسرح مع صوت طلقات الرصاص)

فرد امن 1:- من الواضح يا فندم ان مفيش ولا رصاصة اصابت الهدف

قمار:- (منفعلا) غبى

فرد امن 2:- (مفكرا) هو دا يا فندم!!

قمار:- (قطع) ايوه هو..الحاكم لو شم خبر ان الولد دا رجع تانى هتبقى مشكلة علينا كلنا

فرد امن 2:- طيب والعمل

فرد امن 1:- نسيبه في البلد. كلها يوم او يومين وهيزهق ويمشى

قمار:-عندك حق..ازاى فكرة زى دى مخطرتش على بالى

فرد امن 1:- اى خدمة يافند

قمار :- (قطع) انت تخرس خالص..وجوده فى الايام دى و بالاخص هيعمل خطر علينا..انت نسيت ان يوم الشمول بكرة

فرد امن 1:- فعلا صحيح

قمار:- مفيش غير حل واحد..هو اننا نجيب الولد ده ..ونحبسه لحد ما اليوم يعدى وبعد كده نتخلص منه..او اننا نتخلص منه فى الحال

فرد امن 2:- عندك حق يا فندم

قمار:- انا عاوزكم تدوروا فى كل حته وكل شبر على الولد ده.. يا تقتلوه ياما تمسكوه وبعد كدة نسلمة للحاكم وناخد مكافاه

فرد امن 1:- (بزهول) مكافاه!!

قمار:- اه طبعا..الحاكم بيدور على الولد ده من 20 سنة..ولو مسكناه هيكون لينا مكافاه

فرد امن 1: (بزهول) مكافاه!!!

قمار:- (بعصبية) خلاص بقى.. انا عاوز الولد ده قبل بكرة..سمعين؟

فرد امن 1و2:- حاضر يا فندم

(يخرجون من على المسرح)

عم رضا:- (يدخل رضا الى القهوة) عامل ايه يا ابراهيم

عم ابراهيم:- (لا يرد)

عم رضا:- انت لسة زعلان منى

عم ابراهيم:- لا يسيدى مش زعلان..انى اللى غلطان علشان اكون مع واحد زيك

عم رضا:- وليه الغلط دا

عم ابراهيم:- الغلط انك تكون عيل

عم رضا:- (بعضية) لا..مسمحكش..وبعدين لو زعلان كدة متبقاش تيجى معايا

عم ابراهيم:- دانى اروح مع واحد صينى.. احسن من انى اروح معاكم

عم رضا:- (يضحك)

عم ابراهيم:-انت بتضحك.. الحق عليا انى

(يدخل صابر الى المسرح)

عم صابر:- فى ايه يا جماعة مالكم كدة ..صباح الخير الاول

عم ابراهيم:-وهيجى منين الخير

عم رضا:- (يضحك)

عم صابر:- مالك كدة لاوى بوزك على الصبح

عم ابراهيم:- مفيش يا سيدى

عم صابر:- لا فية..(مناديا) واد يا على

على:-نعم يا عم صابر

عم صابر:- هات يابنى هوت شوكلت من غير لين..هتشرىوا ايه؟

عم رضا:-لا شكرا..ابقوا زدودوا سرعة النت دى شوية ولا انتوا فقرا

عم ابراهيم:-اه احنا فقرا..متبجاش تيجى تانى..واجفل ياض يا على النت

عم رضا:-شايف يا صابر..انا مش هتكلم علشان خطر ك انت

عم صابر:-عيب يا ابراهيم

عم ابراهيم:- وهو ده خلى حاجة للعب

عم رضا:- مهو انا مش هقعد اتهزق واسكت كدة..مترد يا صابر

عم صابر:- **(منفعلا)** خلاص بقى يا جماعة ..انتوا مش صغيرين على الكلام دا

ها قولى بقى ..اى اللى مزعلك؟

عم ابراهيم:- امبارح يا سيدى بعثلى طلب على لعبة بابجى دى..وانى زى المغفل جبلته.. عمالين بنلعب عادى..ومره واحدة رمى عليا جنبلة جابت اجلى..دمى كان بيتصفى زى الفرخة وهو واجف مش هالين عليه يدينى دم..وكمان جايب رجصة وعمال يترجص عليا وانى بموت

عم صابر:- **(ضحك)** ملكش حق يا رضا

عم رضا:- مهو هو اللى خانقنى وخلانى اعمل كدة..كل شوية يميل على كل

حاجة..تصور..الضرب شغال وهو عمال بيدورى على شنطة 200

عم ابراهيم:- **(بعصبية)** امال الحاجات احطها فين يا جلوص الطين

عم رضا:- اقولك فين ومتزعلش **(يضحك)**

عم ابراهيم:- شايف..شايف عمايلة وكلامه البايخ

عم صابر:- **(يضحك)**

**(يدخل الشاب الى المسرح)**

الشاب:- **(متحدثا لنفسه)** انهم ما زالوا متذكرين كل شئ..من الواضح ان الايام القادمة ستكون اصعب

**(تدخل فتاه الى المسرح تتكلم فى تليفون مع موسيقى رومانسية)**

الشاب:- **(ينظر الى الفتاه باندھاش..متحدثا لنفسه)** مستحيل..لم اكن اتوقع ان اراكى مرة اخري..انتى كما انتى..لا شئ تغير..عيونك البرئه ..ووجهك الطفولى..كل شئ كما كان ..ولكن ما الذى تمسكه بيديها هذا؟..وما هذه الملابس؟..ملابسك القديمة كانت افضل بكثير..لكن لا عليكى..فانتى كما انتى ..لا شئ تغير**(تتوقف الموسيقى)**

الفتاه: **( تحدث فى الهاتف)** قولتلى بقى اسمك ايه ..احمد **(ضحكة خليعة)**..عارف ان كل اللى اسمهم احمد خاينين

**(تضحك)** لا انهردة مينفعش ابويا موجود..مش هينفع يا احمد..وبعدين احنا لسة متعرفين على بعض..يووووه..خلاص خلاص..قولى عنوانك وانا هجياك.

الشاب:- من الواضح ان الملابس ليست فقط من تغيرت..**(يقترب منها ويقول لها)** صباح الخير

الفتاه:- مين

الشاب:- اعلم انك لم تتذكريني..لكني اتذكركي جيدا

الفتاه:- لخص علوز اى

الشاب:- الاتتذكرين عندما كنا صغار ونلعب سويا

الفتاه:- (ضحكة خلية) طب وملعبناش وحنا كبار

الشاب:- لم اكن موجود للاسف

الفتاه:- طب متهى بنا نلعب

الشاب:- لا.. فنحنوا كبرنا على تلك التفاهات

الفتاه:- (تضحك) كبرنا..طب عن اذنك..اروح انا احترف..قال تفاهات قال..( تضحك)

الشاب:-ما هذا..ما الذى حدث..من الواضح ان الجميع قد تغير..(بخوف) ياالهي..انهم قادمون..اين اختبئ..اين

(يخرج)

(يدخل افراد الامن)

فرد امن1:- انا مش قادر الف تانى

فرد امن2:-بطل كسل..لو جية قمار وشافنا قاعدين كدة هتبقى مشكلة

فرد امن1:-لا..مهو احنا مش هنبقى قاعدين..احنا هنام ولا انت مش تعبان

فرد امن2:- (بعصبية) لا..انت زوتها اوى..برحتك روح نام انت ..لكن انا هدور عليه

فرد امن1:- ياعم سيبك من الكلام دا..هو انت لو لقيتة ..هيرقوك او هيدولك ميدلية.

فرد امن2:-يدونى زى ما يدونى..ملكش دعوة

فرد امن1:-خلاص برحتك روح دور زى ما تحب

فرد امن 2:-وانت؟

فرد امن1:- انا هروح انام فى اى بيت يعجبني

فرد امن2:- ماشى..سلام (يخرج)

فرد امن 1:- مع السلامة (يخرج)

(يدخل عمر)

الشاب:- من الواضح بانى ساكون فى ذلك القلق كثيرا

تيم:- ولية تقلق يا زميلي

الشاب:- ومن تكون انت..(بذهول) ما هذا.. انت تيم!!

نبيل:- تيم مين ياعم.. انا نبيل ..الكيف بتاع المنطقة

الشاب:- الاتتذكرني

نبيل:- ماخدش بالي لكن لو عرفتك معرفك على طول يا زميلي

الشاب:- ما الذى تفعله هنا؟

نبيل:- قولتلك بتاع الكيف ..متبوظش دماغى

الشاب:- وما هو الكيف

نبيل:- انت شكلك غلبان على الاخر وانا قلبى استريحلك

بص يا صاحبي ..انا معايا منتجات تخليك متقلقش خالص

الشاب:- وما هي تلك المنتجات

نبيل:(يخرج من جيبه) دا خبور افغانى..ودا خبور بلدى..ودى فراولة اما دى بقى

الشاب:- كفى..كفى..ما الذي تبيعه يا تيم؟ اتغيب العقول انت ايضا..ياليتك كنت كما فى الماضى

نبيل:- انا مش فاهم حاجة..بس انت دماغك حلوة وعجبتنى..الصنف نوعه ايه؟

الشاب:- حتى انت تغيرت يا تيم

نبيل:- يووووة..انت شكلك عميان خالص..مع السلامة يا زمل

الشاب:- (ابتسامة سخرية) من الاعمي؟

(رضا وصابر وابراهيم يجلسون على القهوة يلعبون الباجى)

عم صابر:- (بيديه موبيل) انا فى البيت الى جمبك

عم رضا:- (بيديه موبيل) لسة داخلوه مفهوش حاجة

عم صابر:- لافية و جبت اسكوب 8..

عم ابراهيم:- (بيديه موبيل) فى دروب نازل على 120

عم رضا:- (بصوت عالى) الحقونى انا بموت

عم صابر:- (يضحك) حد قالك تروح للدروب

عم ابراهيم:- (يضحك) احسن



عم صابر:- ماشى..بس افتكروا انى كنت بديكم من دمی

عم ابراهيم:- هو انت عندك دم

عم صابر:- احترم نفسك يا ابراهيم

عم ابراهيم:- انت اللى هتعلمنى الاحترام

عم رضا:- خلاص يا جماعة..انتوا هتتخنقوا وتسيبونى لوحدى

الشاب:- صباح الخير..كيف حالك ياسيد تلید ویا سيد عابد ویا حیان

عم رضا:- الله يسهلك يابني

الشاب:- اولم تتذكروني ؟

عم صابر:- انا بموت

الشاب:- كيف تموت وانت بحاله جيدة امامى؟..وما الذى بايديكم هذا؟

عم صابر:- انت مين؟ وبتكلم كدة لية؟

الشاب:- هذة هى اللغة التى تعلمناها.. لماذا انتم تتكلمون هكذا؟

عم ابراهيم:- سييك منة تلاقية واحد من اللى بيشحتوا اليومين دول..ودى طريقة جديدة

الشاب:- انا لست بشحات يا سيد حیان

عم رضا:- هو انت عرفت اسامينا منين؟

عم صابر:- ومين قالك انى دى اسامينا اصلا..انا اسمى صابر..ودا ابراهيم ودا رضا

الشاب:- لكني اعرف جيدا اسمائكم..قد تكون قديمة بالنسبة لكم..وتغيرت مثلما تغير كل شئ

عم ابراهيم:- هي فعلا اسامينا القديمة..انت عرفتها منين؟

عم رضا:- متقول انت مين ولا ابن مين وعاوز ايه؟

الشاب:- (بخوف) انا..انا

عم رضا:- ما تنطق يابني

الشاب:- انا شابا مثل باقي الشباب..اريد ان استرجع عقولكم القديمة بدلا من ان تتغير تمام..مثل ما فعلتموه باسمائكم

عم ابراهيم:- انت مجنون يلا

عم رضا :- امشى ياوض من قدامي

الشاب:- انا لا اكذب عليكم صدقوني

عم صابر:- اصبروا يا جماعة..طب لو عرفنا كويس ومش بتضحك قولنا احنا مين

الشاب:- حسنا..انت السيد عابد..مؤلف كبير..قمت بتأليف كتب كثيرة..كانت تترجم وتذهب الى بلاد العالم..عندك مكتبة متواضعة..تقوم فيها بنشر الثقافة والمعرفة لكافة افراد البلد بدون مقابل مادي..وذلك كان هدفك في الحياه..اما السيد حيان..فكان من الرجال المبدعة في عملها..حيث كان افضل من يغزل النسيج..على عهده..كانت ملابس تبايع في البلاد المجاوره..حتى اصبحت البلد الوحيدة التي تصدر ملابسها لبلاد العالم..وايضا كان يعطى الملابس لافراد البلد بدون مقابل مادي..كان متواضعا يحب الخير للجميع..اما السيد تليد..فكان ايضا مبدعا في عمله..كان ينحت على النحاس والفضيات..يحب الاشياء القديمة..ورغم بانه عملا غريبا بعض الشيء..الا ان اصبح ذلك العمل من اكبر الاعمال تصديرا للبلاد المجاورة..كان يعلم الجميع ولا يبخل عليهم بذلك الابداع..كان يريد ان يصبح ذلك العمل الى الابد..كنتوا جميعا تعملون من اجل هدف واحد..وهو ان تظل بلادكم افضل البلاد على مر العصور

عم ابراهيم:- اى الاحساس دا..حد حس زى

عم رضا وعم صابر:- اه فعلا

عم صابر:- انت مين بالطبط

الشاب:- انا اكون جاد ابن اديم

عم صابر:- جاد مين

الشاب:- ابن ذلك الرجل الذي وهمكم الحاكم بانه حاول قتلکم

عم صابر:- انت ابن الراجل دا؟

الشاب:- نعم

عم صابر:- دا مش وهم دا حقيقة

الشاب:- ليست الحقيقة

عم ابراهيم:- اه افكرت..انت الواد اللى هرب

الشاب:- لكني الم اهرب..واتيت لكم مجددا

عم رضا:- انت لازم تموت ..اكيد هتكون نسخة منه

عم ابراهيم:- احنا لازم نمسكه ونحبسه لحد ما الحاكم يموتك فى يوم الشمول الجي

**(يقفوا ويمسكوا بالشاب)**

الشاب:- صدقونى..الحاكم هو من وهم لكم تلك الحقيقة المزيفة..وابى كان ضحيه لذلك

عم صابر:- كفاية كلام بقى..سنين وسنين كلنا بندور عليك..واخيرا وقعت برجلك

الشاب:- كل هذا من اجل ان تقتلونى؟..اليس كذلك..من اجل كلمات تزيف بها الحاكم ليملئ عقولكم الفارغة

عم ابراهيم:- ابوك هو السبب ولولا الحاكم مكناش عشنا ولا لحظه

عم رضا:- وبسبب ابوك .. موت ناس كتيره ملهاش ذنب كل دا علشان الفلوس

الشاب:- **(منفعلا)** وهم ..تلك هو الوهم الذى اضعه الحاكم فى رؤؤسكم..جعلكم تصدقون كل شئ..لم تعلموا ان شئ ما اقتحم عقولكم وافرغها

عم صابر:- انت بتقول ايه

الشاب:- الحقيقة..الحقيقة التى تغيبتم عنها سنوات

عم رضا :- انت كذاب

الشاب:- قلت لكم اني لا اكذب..صدقوني

عم ابراهيم:- ولو مصدقناش هيحصل ايه

الشاب:- لا شئ..ستكون عقولكم فارغة من الماضى.. والذكرى.. والتاريخ

عم رضا :- و اى اللى ياكذ كلامك

الشاب:- وما الذى اكد كلام الحاكم..**(لحظة صمت)** لا تعرفون..لانة مجرد كلمات ..لكن عندما تحدثت عن حياتكم فى الماضى.. الماضى الذى اعرف انه ليس موجود فى عقولكم الان..ماذا حدث؟ ..شعور جميل.. واحساس رائع..اليس صحيحا...لذلك اتيت لكم الان لكى اظهر الحقيقة..الحقيقة التى تغيبتم عنها وقبل يوم الشمول القادم الساعة الثانية عشر..**(يخرج كتبا من شنطته ويمسكه بيديه)** ونكمل سويا الحكاية ..الحكاية التى اتحدثت من عقولكم..لكنى لا اعرف النهاية ستكون لمن؟..للخير ام للشر..وليس دائما الخير هو المنتصر..فى بعض الاحيان يكون الشر منتصرا ايضا..

عم صابر:- و اى هى الحكاية اللى اتمسحت من عقولنا

عم رضا:- متتكلم

الشاب:- حسنا ساحكى لكم كل شئ **(يفتح الكتاب)**

**(تسقط بؤرة ضوء على الشاب ويصبح المسرح خالى من اى قطع ديكور)**

الشاب:- الحب..الخير..السلام..تلك هى الكلمات التى نعيش من اجلها فى تلك البلد..يجمعنا هدفا واحد نعمل من اجله.. وهو ان تصبح بلادنا افضل البلاد على مر العصور..وقد وهب الله فى هذه البلد ما لم يوهبه فى بلد اخر..فكان بها جبالا كبيره من التراب على اطرافها.. تحفظها وتحميها من دخول الاعداء..ليس هذا فقط فكل جبل من تلك الجبال كان اسفلة كنز.. يحميه الاله هيدس من يد اللصوص وهذا ما ورد فى كتب اجدادنا ..بلادنا لا يحكمها احد.. سكانها هم من يديروا حكمها..نظرا لاعدادها القليلة..الا فى يوم من الايام سمعنا صوت موسيقى ..**(موسيقى مع اضاءة مناسبة واستعراض للاحداث)** ثم نظر الجميع فى زهول لم

نكن نسمع من قبل هذا الشئ..وايضا لا نعرف ما هو المصدر الذى يخرج ذالك الصوت ..نظرنا الى انفسنا وبعد دقائق سمعنا صوت يقول:(صوت خارجي) الشر..لا مكانه له على ارضنا..الخير..سيسودها..الموت..لمن اخطئ...الشر..لا مكانة له على ارضنا..الخير..سيسودها..الموت لمن اخطئ.

الجميع:- (مع استعراض) الشر..لا مكانه له على ارضنا..الخير..سيسودها..الموت..لمن اخطئ...الشر..لا مكانه له على ارضنا..الخير..سيسودها..الموت لمن اخطئ..

الشاب:- ظلت تلك الكلمات فى عقولنا.. ولكن لا نعرف من هو المصدر..فادركنا جميعا ان ذلك هو الاله هيدس..حتى اصبحت البلاد كلها تؤمن بان بها اله يحميهم ويحمي ارضها

الجميع:- فليحيى هيدس..فليحيى هيدس

الشاب:فرح الجميع وايقن بان ذلك البلد يحفظها اله..لكن الفرح لم يكتمل.. وبعد ايام..ظهر ما لم يكن متوقع.. (مع استعراض للاحداث) هجمت علينا وعلى ارضنا اونات لا نعرفها..بيديهم اسلحة يقتلون بها ما يشاءوا..جلسنا على الارض لا نعرف شيئا..وكان الشئ الوحيد الذى يبقينا على قيد الحياه..هو الاستسلام..حتى ظهر صوت كبيرهم (صوت الحاكم) كل اللى فات حمادة..واللى جى حمادة تانى خالص..(صوت الشاب) نظرنا نحو بعضنا..لا نفهم شئ من تلك الكلمات..وظل الحزن يظهر فى اعيوننا..وكان الامل الوحيد لدينا..هو الاله هيدس..يوم وراء يوم ننتظره..ننتظره بان يخرج ذلك الشر من ارضنا..مرت الايام والايام والامل ساكن والشر متحرك ومحاط بنا..فى بلاد ما وراء التراب.

### المشهد الثانى

(المسرح لا يوجد به اى قطع من الديكور)

(يدخل جاد ونايا)

نايا:- هيا.. قول لى على المفاجاه التى احضرتها لى

جاد:- لن اقول

نايا:- ان لم تقول فسوف اذهب

جاد:- لا ..انتظرى حتى نكمل يومنا وبعدها سوف اقول لكى

نايا :- لكنى لا اريد ان اتاخر ..لدى عملا مع امي

جاد:- لن نتاخر لا تقلقى .. هيا ..قولى لى ما الذى احضرتة الى

نايا:- لن احضر شئ

جاد:- تمزحين..اليس كذلك؟

نايا:- (تضحك) نعم امزح..ولن اقول لك الا بعدما تقول انت

جاد:- حسنا..(يخرج من شنطة لوحة صغيرة بها رسمة) ما رايك؟

نايا:- رائعة جدا..ما احلها..قد تشبهنى بعض الشئ

جاد:- **(يضحك)** لا تقولى هكذا..فانتى اجمل بكثير..ولكنى تعبت من اجلها

نايا:- مثلى ايضا

جاد:- كنتى تعملى مع امك **(يضحك)**

نايا:- كلا..**(تخرج من شنطتها عقد)** تعبت من اجل ذلك العقد

جاد:- اهذه هى المفاجاه؟

نايا:- نعم

جاد:- لم ارى عقد بهذا الشكل ..رائع جدا..اتمنى ان تكونى هكذا

نايا:- **(تضحك)** لماذا؟

**(يدخل تيم)**

تيم:- مساء الخير على اهل البلد الكرام..اقصد..صباح الخير على اهل البلد الكرام..اقدم لكم..انا احمق..واللقب..حماقة..ابيع لكم القمامة..القمامة المستوردة..لن تكون فى اى مكان غيرى..ريحة..وشكل..وسعر..اتريد القمامة يا سيد..اتريدى القمامة يا سيدة..انا ابيع القمامة الجيدة..لن تكون فى اى مكان غيرى.**(يخرج)**

نايا:- **(تضحك)**

جاد:- على ما تضحكين

نايا:- الا تسمع..انه يبيع القمامة **(تضحك)**

جاد:- لا تضحكى..من الواضح بانة مريض

نايا:- وكيف عرفت؟

جاد:- تحدثت مع ابى سابقا وقالى لى انه مريض

نايا:- اذن لماذا لا تطلب من ابيك بان يعالجه؟

جاد:- ساقول له اليوم

نايا:- لقد تاخرت..ساذهب

جاد:- انتظرى قليل..لم نلعب بعد

نايا:- قولت لك انى لى عملا مع امى

جاد:- حسنا..نتقابل المره المقبله ولكن لا تتاخرى

(يخرجان من على المسرح وتسقط بؤرة ضوء على الشاب ويتحول المسرح لديكور قديم به مكتبة ومعمل  
لتركيب الادوية ومحل لغزل النسيج ومحل لنحت النحاس والانتيكات )

الشاب:- ثم قالت له ..(حسنا..واتمنى ان تكون هكذا)..قالتها وهى تجرى..متمسكة بتلك اللوحة المرسومة  
بالوان البرائه تنظر اليها مرة وعلى الطريق مرة..وظل هو يضحك وهو متمشيا على قدمية ينظر الى ذلك  
العقد المرصع باحجار الحب ويبتسم وقد ارتدأة..فى تلك اللحظة وفى مكان اخر

عابد:- صباح الخير يا حيان

حيان:- صباح الخير يا عابد

عابد:- كيف حالك يا تليد

تليد:- نحمدالاله

عابد:- ما بك..وجهك يقول بانك لست بحالة جيدة

تليد:- لا تقلق..انة مرض الموسم ياتى بغير موعد ويذهب بغير موعد ..والسيد اديم اعطى لى دواء..لعله  
شفاء

عابد:- يحفظك الاله..ولكن اين اديم؟

حيان:- كان معنا منذ قليل..لكنه ذهب للمعمل ..من الواضح بانه لديه عمل كثير

عابد:- لم اره منذ يومين..(مناديا) اديم..سيد اديم

اديم:- اهلا..اهلا..بالكاتب المتواضع

(يضع اديم مقعدنان ليجلسوا عليها)

عابد:- (يضحك) لم ارك منذ يومين..هل حدث شئ؟

اديم:- لا شئ..كنت اعمل فى تركيب ادوية جديدة..فكل شئ يتجدد من حولى..

عابد:- يحفظك الاله

(يقف قمار على الجانب الاخر من المسرح مع سيدة تبيع الخضار)

قمار:- (منفعلا)يعنى هتدفعى ولا لا

السيدة:- انتظر سيدى يوم او يومين..ليس لدي مالا الان

فرد امن1:- مش مشكلتنا..

السيدة:- كيف..انا سيدة كبيرة اعمل صباحا ومساءنا لكى اطعم اطفالى..والمال الذى تطلبونة كثير..ان ذلك  
ظلم يا سيدى

قمار:- بقولك اية.حكاية ظلم واوكل عيالى دا ميمشيش معايا..دى ضرايب ولازم تدفع..ولو مش حابة تدفعى..قولى..احنا بس هناخد منك الحاجة وهنبعها بمعرفتنا

السيدة:- (تصرخ) يا الهى ..انقذنا من ذلك الظلم..لم اعد اتحمل تلك المشقة ..الهى..خذنى اليك..

قمار:- يووووة..هات يابنى القفص دا

فرد امن 2:- حاضر يافندم (ياخذ صندوق الفاكهة)

السيدة:- (تبكى) الهى..افعل شئ..ارجوك..تكلم..قول لى ان الامل قادم يا هيدس

اديم:- اترك تلك الصندوق..وسوف اعطيك مالك

قمار:- هو انت البطل يعنى؟

اديم:- لست ببطلا..كم ضرائبك

قمار:- 560 دائد الضرايب بتاعتك 1200 بيقى كلة 1760..يابطل

اديم:- لكن الضرائب الخاصة بى 900

قمار:- (يضحك) دا كان زمان يا بطل..الضرايب دلوقتى زادت مش عليك لوحذك..دا للكل

الجميع:- (صوت فوضى) كيف هذا..ذلك هو الظلم بعينة..انتم تقتلوننا احياءا

قمار:- (يخرج المسدس ويضرب فى الهواء) ..ها خلصتوا كلام..اسمعوا بقى اللى جى..اللى مش هيدفع هو اكيد عارف مصيرة كويس..ها..هتدفع ولا

اديم:- سادفع

السيدة:- يكرمك الاله يا سيد اديم

قمار:- (يضحك) حصل يابنى الفلوس من كل الناس..واللى ما يدفعش خد منة الحاجه بتاعته

فرد امن 1 و 2:- حاضر يا فندم

قمار:- سلام يا ..يابطل (يضحك)

عابد:- لمتى سنصمت يا اديم؟

اديم:- وما الذى علينا فعلة يا عابد

عابد:- نتكلم..نظهر ما فى قلوبنا..لعل تلك الكلمات تكون شفائا لنا

اديم:- ومن سيسمع تلك الكلمات؟؟..ليس نحن..من الفائدة اذن من ان نقول

(يدخل سام ويقف بجوار المعمل)

عابد:- اذن ساتكلم انا بطريقتى الخاصة..ساكتب كتابا يحكى فيه عن تلك البلد وعن الظلم والاستعمار الذى حل بها..

اديم:- ستقراه انت..لان التاريخ يكتب من وحى الخيال ليس من الواقع يا عابد..وبعد ذلك يعطوه للاطفال لكى تحفظه جيدا وتفهم تاريخ بلدهم

عابد:- تاريخ مزيف اليس كذلك؟

اديم:- للاسف..

عابد:- وماذا عسانا ان نفعل؟

اديم:- الدعاء..الدعاء للاله.. لان من تمكن بان يضع يده على ارض كهذه..لن يكون الخروج منها سهلا..لذلك اقول لك الدعاء..فالاله وحده هو القادر على هزيمة هؤلاء

عابد:- (منفعلا) واين هو الاله

اديم:- حولنا

عابد:- (منفعلا) لا يفعل شئ..مثلنا تماما..ساكتب يا اديم..لن يوقفنى احدا عن الكتابة..ساكتب لكى اظهر ذلك التاريخ ..التاريخ الذى طمس بايدينا..(يخرج)

اديم:- (يلتفت بنظرة الى سام) ماذا تفعل هنا يا سام

سام:- لاخبرك بانى انتهيت من عمل التركيبات..وعلى الذهاب للقاء ولدتي

اديم:- حسنا..اذهب ولا تتأخر

(يدخل جاد الى المسرح ويجلس بجوار ابية)

جاد:- صباح الخير يا ابي

اديم:- صباح الخير يا جاد..كيف حالك

(يدخل تيم الى المسرح)

نبيل:- (يضحك) لقد اخذوا منكم مالكم..(يضحك)..انى سعيد..لانكم لا تشتتروا منى القمامة..اتعرفوا عندما تشتتروا منى القمامة ستكونون اواناس..(يضحك)..(يخرج من شنطة خيط)..اتعرفون ما هذا الشئ..هذا ليس خيطا..هذه المشنقة التى ستعلق رؤوسكم عليها..(يضحك)..اتريد القمامة يا سيد..اتريدين القمامة يا سيدة..انها رائعة حقا..صدقينى..(يخرج)

جاد:- ابنى..الم تقل لى فى السابق..ان ذلك الشاب مريض

اديم:- نعم

جاد:- لماذا اذن لا تعطية الدواء الذى يشفيه



اديم:- انا اقصد بان المرض الذى به مرض نفسى..شئ سئ مر على حياته فاحدث فى عقله صدمه جعلته يقول الكلام دون فهمه

جاء:- لا افهم شئ..هو مريض ام لا

اديم:- (يضحك) مريض يا جاء

جاء:- اذن عليك ان تعالجه

اديم:- حسنا سافكر فى الامر (يخرجان)

(يدخل قمار ومعه الجنديان الى المسرح)

قمار:- روح يابني اندهالى عابد

فرد امن 2:- حاضر يا فندم

قمار:- وانت روح شوف الناس اللى لسة مدفعتش الضرايب اللى عليها

فرد امن 1:- حاضر يا فندم

عابد:- ماذا تريد؟

قمار:- ازيك يا سيد عابد

عابد:- بخير

قمار:- احنا عاوزينك فى خدمة فى صالح البلد

عابد:- وما تلك الخدمة التى تطلبها منى فى ذلك الوقت

قمار:- هتيجى معايا اشرحها لك واقولها لك على روقان..وبالمره تكون لوحداك علشان محدش يعرف

عابد:- لكنى مشغول الان

قمار:- انت استاذ وكاتب مشهور..متخلنيش استعمل الوش التانى علشان هو مش هيعجبك

عابد:- ماذا تريد ؟

قمار:- على العموم انا همشى اللى فى دماغك علشان متضايقش منى..وخلينا فى المهم

عابد :- وما هو المهم بالنسبه لك

قمار:- انا هقولك..حضرتك هتبدأ فى كتاب بتتكلم فيه عن الظلم والزىل وعن الاستعمار اللى حصل فى البلد

والحاجات الوحشة دى..صح مش كدة؟

عابد:- (بخوف)..ماذا؟..كيف عرفت هذا؟

قمار:- متخافش.. احنا كنا علوزينك من زمان تالف الكتاب ..بس كنا مستنين الوقت المناسب اللى نقولك عليه..واعتقد ان دا انسب وقت..مش كدة

عابد:- لم افهم مقصدك

قمار:- (يضحك) ازاي واحد بتفكيرك وعقلك الكبير مش فاهم..بلاش تقول الكلام دا..وعلى العموم هوضحلك شوية..انت هتالف الكتاب بس هناقولك على اللى هتكتبه ..يعنى بنحاول نسهلها عليك ومنتعكش

عابد:- (منفعلا) هذا خطئ..لن افعل ذلك

قمار:- اهدى..انت هتعمله ..ومش بس كدة ..دانت كمان هضيف حاجات من عندك

عابد:- لن افعل..لن اكتب شئ لم اعشه

قمار:- مهو علشان كدة بقولك تعالى معايا..هناك بناهلك نفسيا ومعنويا وجسمانيا وكليا

عابد:- كيف

قمار:- هناك هتعرف كل حاجة

عابد:- لكنى

قمار:- ملكنش ..حاول تكسب وقت وتكسب نفسك علشان متتاخرش..وتلحق تيجى بدرى..يلا بينا..(يخرجان)

تليد:- انظر..انهم ياخذون السيد عابد

حيان:- فليحفظه الاله

(تسقط بؤرة ضوء على الشاب ويتغير ديكور المسرح ليصبح به كرسى الحاكم فى اليسار ومعمل لت تركيب الادوية فى اليمين )

الشاب:- ذهب معة وبديعة ترتعش من كثرة الخوف وعقلة لم يتوقف عن التفكير..اما قمار ذلك الشر المتمثل فى جسد.. فكانت تعالية تلك الابتسامة السمجة التى تحمل فى طياتها الشر .. وكانوا يمشيان ومعهما تلك الجنديان ..حتى وصلوا الى قصر الحاكم..حتى بدا الخوف يشتد عليه وعقلة تدمر من كثرة التفكير وما الذى سيحدث فى الدقائق القادمة..

(تظهر موسيقى مناسبة للدخول الحاكم)

الحاكم:- (بصوت قوى) قمار

قمار:- نعم

الحاكم:- علوز اخذ رايك فى حاجة

قمار:- اتفضل يا فندم

الحاكم:- هو انا مش كويس؟

قمار:- لية يا فندم بتقول كدة..انت قدوه لينا كلنا

الحاكم:- انا بحاول ارضى الناس من كل حنة..لكن محدش بيحبى..كلهم بيكرهونى..حتى انتى..واوعى تفكر شويه التطبيل اللى بتقلهملى دول هيخلوا عليا..انا عارفك كويس وعارف كل واحد فيكم..لكن انا احسن منكم..انا بقى بحبكم كللكم..

قمار:- واحنا كمان بنحبك يا فندم

الحاكم:- بلاش كلمة يا فندم دى..اعتبرنى زى واحد صحبك مثلا

قمار:- حاضر

الحاكم:- قولى بقى اخبار الضرايب الجديدة ؟

قمار:- القرار اللى امرت بيه اتنفذ..وحصلنا الضرايب من كل الناس

الحاكم:- جميل..طب اى لازمة الصوت العالى اللى بدا يظهر مرة واحدة..ولا الناس افكرت ان صوتها بقى حلو

قمار:- (يضحك) حلوة

الحاكم:- هى ايه اللى حلوة؟

القمار:- اللى انت قولتة

الحاكم:- انت !! من غير حضرتك وفندم..

قمار:- (بخوف) حضرتك اللى قولت اعتبرنى زى واحد صحبك

الحاكم:- (منفعلا) انت شكلك اتجننت خالص..اسمع كويس..اى حد هسمع صوتة...هقتلك..وهقتلة..انت فاهم؟

قمار:- (بخوف) فاهم يا فندم..

الحاكم:- انت خوفت كدة لية؟..متخافش..قولى بقى فى اخبار جديدة؟

قمار:- فاكر الكتاب اللى حضرتك امرت انه يتكتب

الحاكم:- اه فاكره

قمار:- الوقت المناسب جية يا فندم والكاتب برا مستنى حضرتك

الحاكم:- جميل..ابدوا فية وانا هديلك ورقة فيها كل اللى عاوزك تسجلة فى الكتاب

قمار:- تمام يا فندم..تؤمر بحاجة تانية

الحاكم:- عاوز اعرف كل الاخبار اللي فى البلد ..وكل اللي بيفكروا فيه.

قمار:- حاضر يا فندم

(على الجانب الاخر من المسرح السيد اديم وحركات مع موسيقى ملانم فى معمل تركيب الادوية لتوضيح التركيبية الجديد)

(اظلام)

### المشهد الثالث

(ديكور قديم بة مكتبة قديمة ومحل انتيكات ومحل خياطة وعزل ونسيج ومعمل لتركيب الادوية)

(يدخل حيان)

حيان:- صباح الخير يا تليد

تليد:- وكيف ياتى الخير يا حيان

حيان:- ما بك..الم ياتى السيد عابد ؟

تليد:- لم ياتى لتلك اللحظة..والاله اعلم بماذا يفعلون به الان

حيان:- ولكن ..سنظل هكذا ؟

(يدخل اديم)

تليد:- وماذا عسانا ان نفعل اذن

اديم:- صباح الخير يا حيان صباح الخير يا تليد..ما بكم؟

حيان:- السيد عابد بعدما ذهبت..جاء قمار واخذه معه..ولم ياتى لتلك اللحظة

اديم:- (منفعلا) لقد تحدثت معة بالا يعلى بصوتة..لكنة كان عنيدا

حيان:- (بذهول) انظروا..انه قادم الينا

تليد:- نعم ..الحمدلله

اديم:- الحمد لله

عابد:- صباح الخير

حيان:- ماذا فعلوا بك يا عابد

عابد:- لا شئ.. لا تقلقوا فانا امامك الان بحالة جيدة

تليد:- لماذا اذن اخذوك..بالطبع كانوا يرودون شئ منك

عابد:- كنا نتحدث سويا بشأن الضرائب الجديدة

حيان:- كنا قلقين عليك

عابد:- لا تقلقوا فانا بحالة جيدة..وشكرا لكم

**(يذهب تليد وحيان ويجلس اديم وعابد)**

اديم:- قول لى ماذا كان يريد منك قمار..لان تلك القصة لم تدخل فى عقلى

عابد:- لا شئ يا اديم

اديم:- كيف..ووجهك يقول غير ذلك

عابد:- **(بعصبية)** لقد قولت لك لا شئ يا اديم

اديم:- ما بك يا عابد..فهذه المره الاولى التى تتفعل على

عابد:- لم اقصد يا اديم

اديم:- حسنا..لن اتحدث معك بشأن ذلك الموضوع..وقول لى..هل انتهيت من الكتاب

عابد:- اى كتاب

اديم:- ذلك الكتاب الذى قولت لى انك ستكتبه وتحكى فيه عن البلد

عابد:- نعم..تذكرتة..وبدات فى..لكنى كنت على خطئ فى بعض اشياء

اديم:- خطئ!!..انت تحدثت حينها بثقة كبيره

عابد:- الخطئ ليس عيبا يا اديم..فالجميع يخطئ

اديم:- وما هو ذالك الخطئ يا عابد

عابد:- فى البداية كنت ارى بان هنالك ظلم واستعمار وان الحاكم يستغل تلك البلد لنهب كنوزها

اديم:- والان كيف ترى؟؟

عابد:- ارى..انى كنت على خطئ..وان تلك الاشياء التى يفعلها الحاكم

اديم:- تكون فى مصلحتنا..اليس صحيحا؟

عابد:- صحيحا..

اديم:- من الواضح ان هناك اشياء تغيرت..واصبحت لا ترى شئ

عابد:- تغيرت للافضل

اديم:- كلا..تغيرت للاسوا..والصوره ستكون واضحة يوما ما..

عابد:- انا لا افهم شئ..بماذا تقصد

اديم:- لقد فات الاوان عن ما اقصده..والحقيقة واضحة

عابد:- (منفعلا) تقصد ما تقصد يا اديم فكل شئ بيننا انتهى (يخرج)

(يدخل جاد)

جاد:- ما بك يا ابى..لمذا السيد عابد منفعلا

اديم:- لا شئ يا جاد

جاد:- كيف ووجهك يظهر به ملامح الحزن

اديم:- ساقول لك يا جاد..انت لم تعد صغير..السيد عابد كان يتحدث معى منذ يوم بانه سوف يكتب كتابا يحكى فيه عن البلد..وعن الظلم والاستعمار الذى حل علينا فى السنوات الاخير..والان يقول لى بانه كان على خطئ..وتغيرت نظرتة تمام فقال بان تلك الاشياء يفعلها الحاكم لمصلحتنا..ترى ما هو سبب تغيره يا جاد؟

جاد:- لا اعرف..لكن ما الذى يجعلك حزينا اذن؟

اديم:- انت..والاجيال القادمة

جاد:- انا!!..كيف (يضحك)

اديم:- عندما يكتب التاريخ الخطئ..انت واصدقائك والاجيال القادمة ستقراه وتحفظه..لذلك كنت اريد التاريخ الصحيح هو الذى يكتب.. ليس الخطئ

جاد:- صحيحا يا ابى

اديم:- جميل..لذلك عندى خبر اجمل لك

جاد:- ما هو

اديم:- امس تمكنت من تركيبة جديدة لعلاج تيم

جاد:- حقا!!

اديم:- نعم..على الرغم من ان تلك التركيبة اتعبتنى كثيرا..ولكن كل هذا من اجلك يا جاد

جاد:- انا احبك كثيرا يا ابى..لكن ما هى التركيبة؟

اديم:- عباره عن ماده سائله توضع فى الشراب الذى يحبه..تعمل على ايقاف مؤقت للماضى

جاد:- اذن متى ستعطية ذلك الشراب

اديم:- انتظر يا جاد.. الامر ليس سهلا كما تعتقد.. فان تلك التركيبة.. تجعل الشخص يفقد جزء من عقله .. لذلك يجب ان نقول له معلومات اساسية عنه وعن البلد الذى يعيش فيها..لانه سيكون كطفلا ولد وانت تعلمه كل شئ

جاد:- وتلك المعلومات ستكون فى عقله حتى الموت؟

اديم:- لا يا جاد.. التركيبة لها مدة معينة اضعتها انا ..بعدها يرجع لذاكرته القديمه كما كان ويتذكر كل شئ مر على حياته طوال الفتره السابقة

جاد:- وما هى تلك المده يا ابى

اديم:- 20 سنة

جاد:- اذن قبل انتهاء المدة الخاصة به..ستعطية انت الدواء لكى لا يتذكر الماضى

اديم:- وهذا ما اعدت له..قمت بعمل سجل خاص به وستكون انت مسئولا عنه وايضا ساعطيك الكتاب الذى اوضح فيه كيفية عمل التركيبة..فانا ايام قليله وساذهب لمقابله الاله

جاد:- يحفظك الاله يا ابى

اديم:- احرص على ان لا تصل تلك التركيبة لاحد ..ولا تقل لاحدا عنها

جاد:- حسنا

**(يدخل سام)**

سام:- كيف حالك يا سيد جاد

جاد:- **(يضحك)** بخير يا سام

سام:- ساذهب للقاء ولدتى يا سيد اديم..اتريد شئ؟

اديم:- كلا..تفضل يا سام

جاد:- وانا ايضا ساذهب للعب مع اصدقائى

اديم:- حسنا..لكن لا تتاخر يا جاد

**(يظلم المسرح وتسقط بؤرة ضوء على الشاب مع اختفاء الديكور)**

الشاب:ظل يمشى مسرعا كي لا يتاخر عليها متحمسا الى لقائها مرة اخرى ولكن هذه المرة عقله لم يشغل تفكيره بها فقط.. بل فى تلك المهمة التى كلفه بها والده وعن تلك التركيبة واهميتها..مما جعلته اكبر من سنه بعشرين عاما..ظل يمشى ويمشى..حتى وصل اليها وهى تنتظر له فى حالة من الغضب وتقول له

نايا:- لن انتظرك مره اخري

جاد:- كنت مع ابى

نايا:- (منفعلا) وانا كنت مع امي

جاد:- لا تغضبى..انا اخطئت ولكى ان تعاقبينى مئما شئتى

نايا:- ساسامح الان..لكن المره المقبله

جاد:- (قطع) ستاخذين العقد؟

نايا:- (تضحك) لا انه اصبح ملكك

جاد:- الحمد لله

نايا:- من الافضل ان لا تنزعه من على رقبتك

جاد:- ساظل محتفظ به حتى اخر العمر

نايا:- وانا ايضا احتفظ بتلك اللوحه فى غرفتى..فعندما استيقظ انظر لها واتذكرك

جاد:- جيد

نايا:- جيد!!هل انا طفله امامك

جاد:- (يضحك) كانوا يقولونها لى عندما كنت صغيرا

نايا:- لا تقولها لى اذن

جاد:- (يضحك)

نايا:- على ما تضحك..اذن لن اقول لك عن المفاجاه التى احضرتها لك

جاد:- كلا ساصمت ولن اقولها مره اخرى..هيا قولى لى عن المفاجاه

نايا:- (تخرج من الشنطة زجاجة عصير المانجو) ما رايك؟..لقد قمت بعمله من اجلك

جاد:- ما هذا..لا احب تلك الفاكهة

نايا:- لماذا..فتلك هى فاكهة البلد والجميع يحبها

جاد:- انا لا احبها

نايا:- جيد (يضحكان)

نايا:- هيا اذن لنلعب

جاد:- نلعب ماذا؟

نايا:- انا ساختب وانت ستبحث عنى

جاد:- حسنا..واحد اثنان ثلاثة اربع خمس ..انتهيتى



نايا:- كلا

جاد:- ست سبع ثماني تسع عشر.. انتهيتي.. اين انتي يا نايا.. اين انتي يا

**(يبحث في المسرح عنها وفي مكان يظهر قمار سام يتحدثان يسمعهما في حذر)**

قمار:- يعني انت عاوز تفهمني ان التركيبة اللي بتتكلم عليها دي بتخلي الواحد مش فاكّر حاجه

سام:- اجل.. فانا سمعته باذني يقول لولده كل شي.. وايشا اعطاه الكتاب ليحتفظ به

قمار:- هي معلومة عادية مش هتعمل حاجة للحاكم.. انا عاوز معلومات واخبار كويسه زى بتاعت عابد

سام:- كل شئ يحدث سيدي ساخبرك عنه في اللحظة

قمار:- كويس جدا يا سام.. **(يخرج من جيبه نقود ويعطيها سام)**.. روح انت علشان محدش يشوفك.. وای

حاجة تعرفها تيجي تبلغني على طول

سام:- امرك **(يخرجان)**

جاد:- **(بذهول)** سام!! كيف؟.. على الان ان اذهب لابی لاخبره كل شئ **(يخرج)**

نايا:- جاد.. جاد.. يا جاد.. اين انت.. انا هنا.. **(منفعلا)** جاد.. انا قولت لك اني ساختبي ليس انت.. جاد.. يا

جاد.. **(تخرج)**

**(اظلام)**

**(يتحول المسرح الى نصفين نصف به معمل اديم ونصف به قصر الحاكم)**

اديم:- جيد بانك اتيت.. لقد تمكن من معرفة المعلومات التي سنقولها لتيم

جاد:- ابي.. يوجد امرا هام يجب ان اخبرك به

اديم:- ما بك يا جاد.. تكلم

جاد:- ذهبت لالعب مع اصدقائي في ساحة الشمول فوجد.. سام وقمار يتحدثان معا بشأن التركيبة.. وايشا

بشان السيد عابد

اديم:- **(منفعلا)** كيف هذا؟

جاد:- صدقني يا ابي.. لقد سمعتهم باذني.. لكن لم يتمكنوا من رويتي

اديم:- الان عرفت كل شئ وسام كان العين المخبة بيننا.. والضحية الاولى كان السيد عابد

جاد:- انا اخاف عليك يا ابي

اديم:- لا تقلق يا جاد.. لن يفعلوا شئ.. انه مجرد دواء لا اكثر

جاد:- وتيم.. متى سنعطيه الدواء

اديم:- الان..ساذهب لاختضاره هنا..وانت عليك تجهيز المعمل

جاد:- حسنا

(يظهر فى الاجانب الاخر الحاكم وقمار)

الحاكم:- ال تر كيبة (يضحك)

قمار:- بصراحة مكنتش عاوز اقولك على الحاجات التافه دى..لكن حضرتك قولتلى عاوز اعرف كل حاجة بتحصل

الحاكم:- متخافش..قولتلى مين الولد المجنون دا؟

قمار :- (بخوف) دا يا فندم..دا

الحاكم:- (منفعلا) متتطق

قمار:- دا ابن الست اللى اعتدينا عليها وقتلناها ادامة

الحاكم:- وخايف لى..انا قولتك قبل كده اعتبرنى واحد صاحبك مثلا

قمار:- حاضر

الحاكم:- فيه اى اخبار تانى؟

قمار:- لا ..مش عاوز ابوظ مزاجك كفايه اللى انت فيه(يضحك)

الحاكم:- انت!!من غيرك حضرتك

قمار:- مهو حضرتك اللى قولتلى اعتبرنى زى واحد صاحبك

الحاكم:- (منفعلا) انت شكلك اتجننت خالص..واى الاخبار اللى جيبها لى زى وشك دا..بتقولى تركيبة وتحطها فى العصير..تخلى الواحد مش فاكه حاجة..انت مجنون يلا..يعنى بعد كل اللى الولد شافة قدام عينة من اغتصاب وقتل وعازرة ينسى..واضح ان انا اللى هنساك خالص..امش من قدامى ومش عاوز اشوف وشك دا هنا

(يظهر على الجانب الاخر اديم وابنه جاد ومعه تيم وحركات استعراضية مع موسيقى ملانمة)

تيم:- اين انا..ومن انت..

(تظهر اضاءة مع موسيقى وهما يحركان شفتيهما)

اديم:- هكذا تمكنت من معرفة معلوماتك الاساسية

تيم:- وهل يوجد معلومات اخر؟

اديم:- بالطبع..ولكن ستعرفها مع مرور الايام ..وليست من شخص واحد.

تيم:- ما هو اسمك (يشير الى جاد)

جاد:- جاد

(صوت خارجي) ..القرار مرفوض..ولن تتمكنون من شئ

(يفتح النور على المسرح ويظهر مجموعة من الناس)

حيان:- بلدنا ستكون ترابا

تليد:- سنتجمع ونذهب للحاكم

عابد:- لن يفعل لكم شئ..فهذا قراره..يفعله لمصحتنا جميعا

حيان:- كيف لمصلحتنا يا عابد؟

عابد:- نعم..فهو لديه رويه وستكون صائبه

تليد:- ما الذى تقوله يا عابد؟..لقد تغيرت كثيرا

اديم:- ما بكم؟

تليد:- الحاكم اصدر قرار بهدم الجبال

اديم:- كيف؟؟هذا لن يحدث ابدا..الان رويه الحاكم وضحت للجميع..وهى نهب كنوز الارض التى عشنا فيها سنوات وسنوات..وقبل ان يهدم جبلا واحدا..سيهدم معه جثتنا..من معى

الجميع:- معك..معك يا اديم

اديم:- غدا سنتجمع هنا ..ونذهب له لنقول لا

(يذهب الجميع )

تيم:- ما الذى يحدث

اديم:- ستعرف قريبا..ولكن الان ستتولى مكانة سام

تيم:- لكنى لا اعرف شئ

اديم:- لا تقلق ستعرف كل شئ

جاد:- ما الذى سيحدث غدا يا ابي

اديم:- سنقول لا..لا للظلم ..لا للاستعمار

جاد:- لكنى اخف عليك يا ابي

اديم:- لا تخف يا جاد

(يدخل قمار )

قمار:- ازيك يا سيد اديم

محفوظ:- ماذا تريد؟

قمار:- (يضحك) دا تيم المجنون ..صح؟

تيم:- مجنون؟

اديم:- قولت لك ماذا تريد

قمار:- ثوانى بس يا عظيم..انت اسمك اية يا حبيبي (يشير الى تيم)

تيم:- تيم

قمار:- كويس..ودا يبقى مين

تيم:- ومن تكون انت؟

قمار:- ازاي يا سيد اديم مقولتلوش عليا

اديم:- انت جئت لكى تاخذنى معك..وتفعل بى مثلما فعلتموه فى عابد..اليس كذلك

قمار:- انت مستعجل لية بس..بس العموم انت صح

اديم:- لكنى لن اذهب معك..وغدا سوف اتى اليك ولحاكمك..ولكن لن اكون وحدي

قمار:- (يضحك) لا عجبتنى ..انا اللي بقول عليا بيتنفذ ..مش عاوز استعمل القوة علشان انت برضوا طبيب وليك احترامك..مش كدة

اديم:- وليكن..سأذهب معك ..فانا لم اعد اخف منك ولا من حاكمك

قمار:- (يضحك) جدع

جاء:- ابي

اديم:- لا تقلق يا جاد (يخرجان)

(تسقط بؤرة ضوء على الشاب مع اختفاء الديكور واطهار ديكور قصر الحاكم)

الشاب:- واحسست حينها ان ابي كان الضحية الثانية..حينها تجدد ذلك الشعور الذى احسست به عندما ماتت امى..وكان ابي بمثابة القشة التى تعلقت عليها لاكمل معها الطريق حتى اصبحت تلك القشة سفينة كبيرة تبحر فى ذلك البحر العظيم لا تهاب شيئا تحمل فى طياتها الكثير والكثير من الاحلام..

(يفتح النور على الحاكم وبجوار قمار و اديم)

قمار:- السيد اديم..عمره 33 سنة..عنده ابن اسمه جاد..اديم طبيب بتركب ادوية ..واخرها علاج للولد المجنون ..وقدر انة ينجح فية ..(يغير طريقة) انا كلمت الولد بصراحة والولد عشرة على العشرة مش فاكّر حاجة من اللي حضرتك عملتها في امه

الحاكم:- هوب هوب..(منفعلا) غبي

قمار:- انا اسف..المهم..الراجل دا صوته عالي ..ومش بس كدة دا كمان هيخلي صوت الناس اللي حولية عالية..واتفقوا مع بعض..انهم يجولك بكرا علشان يعترضوا عليك هنا ويقولوك (يغير طريقة)حرام عليك ياراجل يا مفترى بلاش الظلم دا..الواحد خلاص طاق بية..وانت البعيد مبيحسش..جبله..

الحاكم:- هما هيقولوا كدة؟

قمار:- انا بس بحاول

الحاكم:- لا تحاول ولا تتنيل..انت تسكت خالص

قمار:- حاضر يا فندم

الحاكم:- قولى يا اديم..انتوا بتعترضوا على اية

اديم:- اعترض على الظلم اعترض على الالهانة اعترض القهر والاستعمار..اعترض عليك وعلى وجودك في ارض ليست ارضك

الحاكم:- (منفعلا) انت بتقول اية يا راجل يا مجنون انت..لو دى ارضك تعالى وخدها..يلا تعالا

(صوت خارجي فوضوى )

الحاكم:- اية الصوت دا

قمار:- دا صوت الناس اللي جية تعترض عليك

الحاكم:- واية اللي جابهم دلوقتي..هما مش قالوا جيين بكرا؟

قمار:- (يشير على اديم) اكيد جيين علشان الراجل دا

الحاكم:- طب جمع الجنود واقفوا على باب القصر واقتلوا كل اللي يحاول يدخل..لحد منشوف هنعمل اية في الليلة السوداء دى

قمار:- حاضر يا فندم

اديم:- قريبا جدا ستنتهى

الحاكم:- وانت اللي هتتهينى...(يضحك)..يابني احنا اللي دهنا الهوا دوکوا..قمار

قمار:- نعم يا فندم

الحاكم:- تروح تجبلى ابن الراجل دا فى اسرع وقت

اديم:- ولكن ما دخل ولدى بتلك القصة

الحاكم:- اللي يقرب من النار ميقولش يااح

اديم:- ماذا تقصد

الحاكم:- اقصد ان انت راجل عالم ومفكر و مخترع علشان كدة مش هموتك..انا هموت ابنك اللي ملهوش لزمة دا..الا بقى

اديم:- ماذا

الحاكم:- تسمع كلامى وتتفذه بالحرف

اديم:- ما هو

الحاكم:- انا عاوزك تعملى تركيبات كتيره من التركيبات اللي عملتها للولد المجنون دا

اديم:- ماذا تقول..اتريد ان احذف عقول الناس بيدي..هذا مستحيلا

الحاكم:- كنت متوقع على فكرة..بس انا قولت اختبرك..وطلعت راجل جدع بتحب اهل بلدك..ابقى فكرنى ادبلك ميدالية

اديم:- لن نصمت ابدا

الحاكم:- هتصمدوا.. علشان صوتكم هيروح

قمار:- اهو يا فندم

**(يدخل جاد)**

جاد:- ابي

اديم:- لا تقلق يا جاد

الحاكم:- جميل جدا..طلعوا الراجل دا من هنا..اسمع يا جاد..انت بتحب ابوك؟

**(يقوم الجنود باخراج اديم)**

جاد:- بالطبع

الحاكم:- ابوك غلط غلط كبير..انه اخترع التركيبية ومقلش لحد عليها ولا اخذ تصريح منى شخصيا..علشان كدة انا عاوز الكتاب بتاع التركيبية علشان اعدمه ومحدث يستخدمه استخدام وحش..بس اذا رفضت..فانا مضر اقتل ابوك غصب عنى..قدام عينك..ودى حاجة سهلة بالنسبالى وعملتها فى الوالد المجنون اللي انت وابوك علجتوه

جاد:- اى كتاب؟

قمار:- الكتاب اللي مكتوب فى التركيبية يا جاد

جاد:- ابي لن يفعل اى مكره باحد..ولن اعطيكم الكتاب الا بامرا منه

الحاكم:- خلاص مش مشكله انا مش عاوزة..معني هبقى حزين جدا لما تشوف ابوك بيموت قدام عينك الحلوه دى..قمار..هاتلى الراجل اللي جوه

جاد:- انتظر

الحاكم:- اصبر

جاد:- (بحزن ) ساعطيكم ما تطلبونه منى..لكن لا تفعلوا شئ بابي..فهو كل ما لى بعد موت امي

الحاكم:- متقلقش مش هنعمل حاجة وحشة فية..بس انجز نفسك وخليك حرك وروح هات الكتاب بسرعة

جاد:- حسنا

الحاكم:- قمار

قمار:- نعم يا فندم

الحاكم:- اسمع كويس ..تروح مع الولد ده وتجييب الكتاب وتديه لاطباء القصر..وتخليهم يعملوا اكبر عدد من التركيبات دى..انا عاوز كل دا يبقى عندى قبل بكرة..وكمان تخرج للناس اللي بره دول..وتقولهم الحاكم هيفذلكم طلبتكم..تخليهم يهدوا كدة..وقول لهم ان الحاكم هيعمل بكرة اجتماع لحل مشاكلكم..بكرة الساعة 12 فى ساحة الشمول..انا عاوز البلد كلها تحضر الاجتماع دا ..صغير وكبير..انت فاهم

قمار:- فاهم يا فندم

الحاكم :- (للجمهور) ويا خبر انهردة بفلوس..بكرة ينزل عليه اوكازيون..(اظلام)

### (المشهد الرابع)

#### (تسقط بؤرة ضوء على الشاب )

الشاب:- وتلك اليوم وقد حدث ما لم يكن متوقع..جمعكم جميعا صغير و كبير..واعطى لكل منكم مشروبا لى يتناولوه..لم يكن احد يعرف ان ذلك الشراب به تلك التركيبات التى صنعها ابي من اجل الخير لا الشر..ولولا انى لا احب ذلك النوع من الشراب لكنت مثلكم تماما..وبعد دقائق اصبحت عقولكم فارغة..لا تاريخ ..لا ذكرى..لا ماضى..كطفل صغير..كورقة بيضاء..كتب فيها الحاكم قصة من وحي الخيال ليملى بها عقولكم..فقال(صوت الحاكم) الشر..لا مكانه له على ارضنا ..الخير..سيسودها..الموت..لمن اخطئ..(يغير طريقة) كنتوا فى سفينة كبيرة ماشيين فى البحر وبعد كدة هجم عليكم قراصنة البحر ..من حسن حظكم انكم كنتوا جبيننا..واللى جبيننا بيحمينا ..وفعلا قدرت احميكم وانتوا دلوقتى على اراضينا..(يرجع لحالة وبحزن) ايقنت حينها بانه ذلك هو الاله الذى وهم الجميع..ذلك الشر المتمثل فى صورته اله ..بعد ذلك اخرج ابي مكبلا من يديه ورجليه لم اكن اعرف انها المره الاخير التى اراى فيها والدى..ثم اخرج المشنقة وضعها على رقبة والدى وقال(يقلد الحاكم) الراجل دا قدرنا نمسكه بعد ما قتل معظم الناس اللي معاكم..لو حابين انكم تعدموه..فليعلى صوتكم بكلمه الموت

## (يفتح النور فيظهر الديكور الحديث)

عم ابراهيم:- افكرت.. انت اللي الجنود حاولوا يمسكوك بعد ما اتكلمت .. لكن معروفش

عم صابر:- وانت جي بقى تاخذ حق ابوك منا ولا من الحاكم

الشاب:- كلا ..فانا لا اريد شئ ..اريدكم ان تعرفوا ماضيكم..ماضيكم الذى سرقه الحاكم منكم..ووضع حولكم ما يشغل ويلهي عقولكم عن التاريخ..التاريخ الذى طمس مره اخرى بايديكم

عم رضا :- فعلا..فى جبال اتهدمت ..واحنا اللي هدمناها بايدينا

الشاب:- لذلك يجب عليكم ان لا تتخدعوا مره اخرى..فسمت جبالا لم يهدمها الحاكم

فرد امن1:- (يشتر الى الشاب) هناك اهو يا فندم

قمار:- اهلا بيك..امسكوا

الشاب:- ان الاون ان تفعلو شئ..ليس من اجلى و لا من اجل ابي..من اجلكم انتم ..فلا تنسوا يوم الشمول القادم الساعة الثانية عشر(قمار يضربة على راسة فيسقط الشاب على الارض) اه اه اه

قمار:- من شابه اباهة فما ظلم؟ شيلوه من على الارض وهاتوا نعدمة بكرة فى يوم الشمول

فرد امن2:- امرك يا فندم (يخرجون الى الخارج)

عم صابر:- انت مصدق الكلام اللي قاله دا

عم ابراهيم:- ولية لا..انا كنت شايف ان فى حاجة غلط

عم رضا:- انا مش مصدق حاجة.. الولد ده بيكذب علينا وعاوز من ورانا حاجة

نبيل:- تصدق ممكن

عم ابراهيم:- اى هو اللي ممكن

نبيل:- مش عارف

عم صابر:- بكرة يوم الشمول..يبقى لازم منشربش حاجة من اللي هيدهالنا الحاكم بكرة ..ونشوف الحقيقة مع مين

عم ابراهيم:- صح

عم رضا:- بلاش توهموا نفسكم

عم صابر:- مفيش وهم ولا حاجة احنا هنعمل اللي فى ايدينا

نبيل:- طب افرض كلامه طلع صح

عم ابراهيم:- دى تبقى كارثة ..يعنى احنا فضلنا السنين دى بيضحك علينا وبيمصوا فى دمننا



عم صابر:- احنا الاول لازم نقول للبلد كلها محدش يشرب اى حاجة هيقدمها الحاكم بكرة فى يوم الشمول  
عم ابراهيم:- انا هقول للى اعرفهم كلهم حتى لو كدبت عليهم وقولتلم ان الشراب فية سم  
نبيل:- وانا كمان

عم صابر:- احنا كل اللى علينا اننا نوقف نفسنا ومنشربش اى حاجة بكرة..وبكدة هنعرف مين الصبح ومين  
الغلط..  
(اظلام)

### المشهد الأخير

(لا يوجد ديكور على المسرح سوى المشانق)

قمار:- سكوت

الحاكم:- انا سعيد جدا بوجودى معاكم..وياريت انتوا كمان تكونوا سعدا..انهردة عاوز اسمع صوتكم  
ومشاكلكم وانطباعكم عن البلد..بس قبل ما ابدأ..فى خبر حلو عاوز اشاركه معاكم..امبارح قدرنا نمسك  
ابن القرصان اللى حاول يقتلكم من عشرين سنة..وانهردة هنعدمه..مش علشان هو ابن القرصان..لكن  
علشان دخولة فى البلد باسلوب غير شرعى..وكمان حاول قتل الجنود..وطبعا انتوا عارفين القوانين اللى  
ماشيين عليها..ودلوقتى خلونا نفرح بيوم المحبة..يوم الشمول..قمار..وزعوا عصير المحبه على الكل  
متخلّيش واحد عطشان

قمار:- حاضر يا فندم

(موسيقى ويبدأ الجميع بالتظاهر بانه شرب)

الحاكم:- (بصوت مرتفع) احضرا ذلك الشاب

(على الجانب الاخر يتحدث صابر وابراهيم)

عم ابراهيم:- هما هيعدموا؟

عم صابر:- لا هيصبروا لحد نهاية اليوم ويعدموه..زى معدموه ابوه

قمار:- (يقترّب من الحاكم بصوت منخفض) الساعة 12 يا فندم

الحاكم:- انت متأكد انك حطيت التركيبة فى العصير

قمار:- طبعا يا فندم..والكوبيات كلها فاضية قدامك

(على الجانب الاخر صابر وابراهيم يتحدثان ثم تظهر موسيقى مع اسقاط اضاءة ملائمة)

عم صابر:- (بذهول) اى دا..انا افكرت كل حاجة

عم ابراهيم:- وانا كمان

عم صابر:- شكل كلام الولد كان صح واحنا اضحك علينا كلنا

الحاكم:- (بصوت مرتفع..يضع المشنقة على رقبة الشاب) الشر لا مكانه له على ارضنا..الخير..سيسودها..الموت لمن اخطى

الجميع:- الشر لا مكانه له على ارضنا..الخير سيسودها..الموت لمن اخطى..(تكرارا)

الجميع:- (بصوت مرتفع) الشر..لا مكانه له على ارضنا..الخير..سيسودها..الموت لمن اخطى (تكرارا)

الحاكم:- (ينظر الى الجميع فى حالة خوف..ويشد المشنقة على الشاب )

الجميع:- (يسرعون فى الهجوم على الحاكم وقمار..يحاولون الهرب لكن لا يعرفوا.. وصابر ينزع المشنقة من على رقبة الشاب فيسقط على الارض متعبا.. ويضعها على رقبة الحاكم ومشنقة اخرى على رقبة قمار..فيشدون المشنقة مع صيحات الكلمات..فيسقطوا على الارض ميتا)

الشاب:الان..تذكروا الماضى..استرجعوا عقولكم للوراء..اجعلوا الذكريات هى من تتحدث بدلا عنكم..تذكروا التاريخ..تذكروا تلك الكلمات التى كنتم تعيشوا من اجلها..الحب..الخير..السلام..لقد تغير كل شي..وبايديكم استرجاء ما قد كان..مثلا فعلتموه فى عقولكم..لا تدعوا احد يتحكم بكم..لا تدعو الوهم يتمكن من عقولكم..واليوم سنبدأ صفحة جديدة..ونكمل ما بدائنا..سنعمل ونعمل...وسيكتب التاريخ..بان الخير انتصر على الشر..فى بلاد ما وراء التراب.

**\*\*النهاية\*\***